



Synfocity = 1006

mail us at : mzsynfo@gmail.com; mizoramsynod@gmail.com - Phone - 2314648

October 9, 2025

❑ Presbytery Inkhawmpui

Mizoram Synod hnuai Inkhawmpui lian ber dawttu Presbytery Inkhawmpui chu October 9-12, 2025 chhung hian Mizoram chhung leh pawn hmun hrang hrangah neih a ni dawn.

October 9-ah Nomination Committee, Finance Committee leh Sub - Pastoral Committee an th̄u ang a, Kohhran Upa thlan tharte Exam buatsaih a ni ang a, zan inkhawmah Palai lawmna leh Pastor Bial Report ngaihthlak a ni ang.

October 10&11 (Zirtawpni leh Inrinni) hian Rorel Inkhawm neih a ni ang a (Presbytery thenkhat chu Inrinni chauha Rorel an awm bawk), zan lamah vantlang Pathian biak Inkhawm neih a ni ang. October 12 (Pathianni) chawhmaah Upa Nemngheh Inkhawm a ni ang a, chawhnuah Lalpa Zanriah Sakramen leh Upa thite sunna inkhawm a awm ang a, zanah Presbytery Moderator kalchhuakten Valedictory Sermon an sawi ang.

Presbytery Inkhawmpui hmanpui turin Synod Puipate hetiang hian an chhuak ang:

1. Rev. R.C. Lalngakliana, Moderator - Tuivai Presbytery
2. Upa Vanlalsawma Siakeng, Secretary (Sr) - Dampa Presbytery
3. Rev. B. Zohmangaiha, Secretary (Jr) - Khawthlang Tuipui Presbytery
4. Rev. Dr. K. Lallawmzuala, Finance Officer - Champhai North Presbytery
5. Rev. Vanlalzuata, Finance Officer - Tawi Presbytery
6. Upa Dr. Vanlalzara, Statistician - Kolasib Presbytery
7. Rev. V. L. Luaia Hranleh, Senior Executive Secretary - Tuipuiral Presbytery
8. Rev. Dr. Rosiamliana Tochwawng, Executive Secretary - Chhawrpial Presbytery

❑ Synfo buatsaih PES Quiz Screening Test zawh fel a ni

Synod Information & Publicity Dept. (Synfo) buatsaih ram pum huap Presbyterian English School (PES) puala PES Quiz a buatsaih turah Screening Test chu October 7, 2025 (Thawhlehi) khan Centre pariatah neih a ni a, Quiz-a tel tur hian school 80-in hming an thehluat a ni.

Screening Test result hi October 9, 2025 (Ningani) hian tihchhuah a ni ang a, screening test at̄angin Final Round thleng turin mark hmu sang school 25 thlan chhuah an ni ang a, chung thlan chhuahthe chuan November 27, 2025 (Ningani) zan dar 6-ah Synfo Studio-ah intihsiakna an nei ang a, Top 5 thlan a ni ang. Top 5 thlan chhuah te hian November 28, 2025 (Zirtawpni) zan dar 6-ah Synfo Studio-ah intihsiakna an nei leh ang a, result puan leh lawmman sem nghal a ni ang.

PES Quiz-a pakhatna hian lawmman ₹ 1,00,000/- (nuai khat), pakhatnain ₹ 70,000/- (sing sarih) leh pathumnain ₹ 50,000/- (sing nga) an dawng ang a, heng bakah hian Top 5-a lang school pahnih hnenah ₹ 20,000/- ve ve pek an ni ang.

❑ Presbyterian English School (PES)

October 7, 2025 (Thawhlehi) khan Presbyterian English School buatsaihin West Phaileng leh a chhehvela PES hrang hrang - West Phaileng Dinthar PES, West Phaileng Chhimveng PES, Kawnmawi PES, Lallen PES leh Phuldungsei PES te tan Teachers' One Day Training Programme, West Phaileng Chhimveng Kohhran Hall-ah neih a ni a, he hun hi Office at̄angin NI. Lawmsangzuali, O/A leh Resource Person-te, Upa Lalthanzama leh Rev. Malsawmdawngliana ten an hmanpui.

Programme hi hun thumah then a ni a, hun khatna hi Rev. Malsawmsangzuala, West Phaileng bialtu Pastor-in a kaihruai a, Resource Person Rev. Malsawmdawngliana hnen at̄angin 'Zirtirtu mawhpurhna thenkhatte' tih thupui ngaihthlak a ni a, hun hnihnaah 'Classroom Management' tih thupui Resource Person Upa Lalthanzama hnen at̄angin ngaihthlak a ni a, hun thumna hi Rev. Malsawmdawngliana'n a kaihruai a, hemi hunah hian thupui hrang hrang zir ho at̄angin sawi hona bakah zawhna leh chhanna hun hman a ni.

Tun dinhmunah PES hnuai School 172 an awm a. Zirlai 35,741 an awm a, zirtirtu leh thawktu dang 2,230 an awm mek a ni. West Phaileng leh a chhehvel PES hrang hrangah hian zirlai 837 an awm a, thawktu 54 an awm a ni.

□ **Mizoram Christian College (MCC)**

- ◆ October 6, 2025 (Thawhtanni) khan Devotion hunah Mizoram Christian College din champha pualin hun an hmang a. Dr. Benjamin Lalfakzuala, Vice Principal hnen aţangin MCC lo din chhoh dan te, a thiltum te leh zirlaite hriat tur pawimawh tak tak bakah fuihna thu ũa tak a sawi a. Zirlaite aţangin Special Item neih a ni a, LESDE UPSC Challenge Inter-College Quiz Competition 2025-a MCC pakhatna nihpuitu zirlai pahnihte hnenah lawmpuina hlan a ni bawk. He hunah hian Pathian hnea lawmthu sawi ũawngţai rualna hun hman a ni a, Upa Dr. Tawnenga, Principal-in ũawngţaiin hun tawp a khar a ni. Kumin hian Mizoram Christian College din champha October 5 hi Pathianni a nih avangin a ni takah hman theih a ni lo va, October 6 (Thawhtanni)-ah a lawmna hun hman a ni.
- ◆ October 6, 2025 (Thawhtanni) khan MCC English Department chuan Mizoram University hnuaiia Under Graduate Programme pakhat 5th Semester zirlaite tan Internship neiin hun an hmang a. He hunah hian zirlaite chu mi pasarih ve vein group hnihah ũhen an ni a, group khatnate hian Mizoram Legislative Assembly Library-ah hun an hmang a, group hnihnate hian Mizoram State Central Library-ah hun an hmang. He Internship Programme hi ni 10 chung neih tur a ni.
- ◆ October 3-4, 2025 chung khan MCC Mizo Department, 5th Semester zirlaite leh zirtirtute chuan Field Project & Off Campus class neiin Phulpui leh Tachhip khuah hun an hmang. Zirlaite hi Team hniha inũhenin - Phulpui lama kalte hian Phulpui YMA-te interview neihpuiin Zawlpala thlan tlang History an chhui a. Tachhip lama kalte hian Tachhipa Kaphleia thlanah kalin Kaphleia chanchin hriate interview an neihpui a ni. Zannah lamah Off Campus class neiin; Dr. Vanzarmawii, (Ph.D in Astrophysics) Arsi lam chanchin zir miin hun a hmanpui a, Phulpui tlang chhipah Arsi en pahin Arsi chanchin leh Mizote Arsi hriat dante a sawi a, sawi hona hun an hmang bawk.
- ◆ October 6, 2025 (Thawhtanni) khan MCC Sociology Department chuan Mizoram University hnuaiia Under Graduate Programme pakhat 5th Semester zirlaite tan Community Outreach neiin hun an hmang. He hunah hian zirlaite chu group thumah ũhen an ni a, group khatnate hian Hmangaihna In, Durtlang-ah hun an hmang a, group hnihnate hian Hermon Children's Home, Durtlang Leitan-ah hun an hmang a, group thumnate hian Synod Rescue Home, Durtlang Leitan-ah hun an hmang. He Community Outreach Programme hi zirlaiten khawtlang tana an mawhpurhna hrang hrangte an hriat theih nana tih a ni a, October 17, 2025 (Zirtawpni) thlang neih a ni ang.
- ◆ October 6, 2025 (Thawhtanni) khan Mizoram Christian College NSS Unit bultumin College-ah 'Voluntary Blood Donation Camp' neih a ni a, Civil Hospital, Aizawl Blood Bank tan thisen pek a ni. He hunah hian thisen Unit 81 pek a ni a, mipa 72 leh hmeichhia 9 ten thisen an pe thei a ni.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Hmunpui Kohhran leimin dawlna atan			₹ 50,000/-
2.	Sateek	Damlo	2	₹ 20,000/-
3.	Lungpho	Damlo	1	₹ 10,000/-
4.	Rawpui	Damlo	1	₹ 10,000/-
5.	Tlangnuam West	Damlo	1	₹ 10,000/-
6.	Tuikual	Damlo	1	₹ 10,000/-
7.	Tlangnuam Vengthar	Khawsak harsa	1	₹ 10,000/-
8.	Saitual Chhim Veng	Damlo	1	₹ 10,000/-
			Belh khawm	₹ 1,30,000/-

□ **FM Zoawi - Aizawl & Lunglei : Hruaina Eng Radio Programme**

October 10, 2025 (Zirtawpni) @ 7:30 p.m. :

Solo : Lalmuankimi - Ka ngen a che

Zaipawl : East Phaileng Bial Zaipawl - Hmangaihna a khat Pathian

Thusawi : Upa C. Ramhmangaia - Millionaire nih theihna kawng

Duet : Ramngaihzuai & Lalbiakhuni - I Khawngaihna

Zaipawl : Dawrpui Vengthar Bial Zaipawl - Min hum rawh

☐ **Hruaina Eng TV Programme**

- 09.10.2025 (Ningani)** 08:30 pm : Thupui zir bing
10.10.2025 (Zirtawpni) 05:00 pm : Kristian Naupang Pual
11.10.2025 (Inrinni) 05:30 pm : Puitling Sunday School Zirlai
12.10.2025 (Pathianni) 07:00 am : Sermon - Upa K. Lalhmunsanga
 08:00 am : Weekly round up
14.10.2025 (Thawhlejni) 06:00 pm : Nilaini zan thupui
 08:30 pm : Kohhran Chanchin - Tuirial Vengthar Kohhran

☐ **Moderator leh Executive Secretary-te Programme:**

Rev. R.C. Lalnghakliana : Moderator

- Oct. 10-12, 2025 Tuivai Presbytery hmanpui
 Oct. 17, 2025 MCC Governing Board
 Oct. 18-19, 2025 Kohhran tlawh - Chhinga Veng Bial

Rev. V.L. Luaia Hranleh : Senior Executive Secretary

- Oct. 9-12, 2025 Tuipuiral Presbytery hmanpui
 Oct. 16, 2025 Service Rules & RR Enthatu Committee
 Oct. 17, 2025 MCC Governing Board leh Kohhran Hmathlir Sub Committee
 Oct. 19, 2025 NEICC Pulpit Exchange Programme - BCM Shalom, Mission Vengthlang

Rev. Dr. K. Lallawmzuala : Executive Secretary

- Oct. 9-12, 2025 Champhai North Presbytery hmanpui
 Oct. 14, 2025 Central Kohhran Hmeichhe Committee leh Hmangaihna In programme
 Oct. 16, 2025 Nursing College Graduation Day
 Oct. 17, 2025 MCC Governing Board
 Oct. 19, 2025 NEICC Pulpit Exchange programme - Baptis Central Church

Rev. Dr. Rosiamliana Tochwawng : Executive Secretary

- Oct. 9-12, 2025 Chhawrpial Presbytery hmanpui
 Oct. 16, 2025 Ramthar BEC
 Oct. 17, 2025 MCC Governing Board
 Oct. 18-21, 2025 Mumbai Kohhran Tin Jubilee lawmna hmanpui

October 14, 2025-a Synod Service Board leh October 15, 2025-a Synod Officers' Meeting (OM)-ah te Moderator leh Executive Secretary te an thu ang.

ADVERTISEMENT

Mizoram Presbyterian Kohran Hmeichhiate enkawl Women Centre, Phunchawng-ah kum 2026 chhung atan Puanthui zir duh, Presbyterian Kohhran dan chhunga awm tan dil theih a ni e. Dilna Form chu Kohhran Hmeichhe Department, Synod Office-ah lam theih a ni ang.

- Dil theih hun chhung - 13.11.2025 thleng
 Interview - 17.11.2025, @ 10:30 am atangin
 A hmun - Committee Room I, Synod Office
 Online-a dilna thawna tur - 9233437689

Sd/-

Rev. Dr. K. Lallawmzuala
 Executive Secretary i/c Kohhran Hmeichhia

